



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.




Fig. 2.



of 8 Inches



Fig. 1.



I. Mynde sc.

IV. *De Sciuro volante, sive Muro Pontico, aut Scythico Gefneri, & Vespertilione admirabili Bontij Dissertatio, per Dⁿ. Hans Sloane, Bart. Pr. R. S. à Jacobo Theodoro Klein, Reip. Gedanens. à Secret. R. S. S. communicata. Vide Fig. 1, 2, 3.*

MULTAS fabulas circa animalia alata & volatilia irrepsisse in Historiam naturalem, nemo inficias ibit, qui præjudiciis, autoritate atque ingeniosis veterum figmentis, nec non quandoque narrationibus & Testimoniis credulæ plebis non obcoectus, rem ipsam penitiùs inspexit.

Optandum foret, ut hujusmodi & plures aliæ fabulæ, ad severius examen revocatæ nullum aliquando locum in Historiâ naturali invenirent, quo ipso illis, qui minùs cautè talia evolvunt, ansa præcideretur, nescio, quot, & quales Dracones, Basiliscos, Gryphos, & sexcenta alia hujus generis portenta effugendi, unde non solum inductæ plebi, sed & illis, qui supra vulgus sapiunt, pro ipsâ quandoque Cathedrâ Ecclesiasticâ, bonâ licet fide, egregiè tamen imponi solet.

Ejusmodi Veterum relationes ad tædium usque fabulosas confutare quidem aggressi sunt Clarissimus *Scheuchzerus in Jobi Physicâ sacrâ, p. 257. seq.* nec non, *Hyacinthus Gimma, Dissertatione secundâ Physico-Historico-Experimentali, de fabulosis Animalibus*

malibus, pacem verò ex victoriâ vix reportaturi, quamdiu præjudicia debellare non valebunt; tantum enim præjudicata opinio potest, ut etiam sine ratione valeat autoritas.

Quod autem in specie ad Quadrupeda volantia attinet, eorundem utique nonnulla dari, experientia docet. Ipsi Vespertiones, nobis, et Incolis utriusque Indiæ obvii, qui, si non ingredienti, perrepantes tamen Quadrupedes dici possunt, [*Vid. Gesnerus, de avibus, p. 695.*] causam eorum agere videntur. Præter hos, peculiare volaticum genus Lacertorum locum sibi vindicat, sub nomine Lacerti volantis sive Dracunculi alati, in Java admodum familiaris. Hunc quidem Belonius in singularibus observationibus suis bipedem in effigie repræsentat, cui verò Piso in Bontio, & alij, rectè contradixerunt; Et sanè ipsi Dracunculi, in variis Museis asservati, plenissimè fidem faciunt, se esse Quadrupedes, prout & in meâ Animalium Exoticorum collectione, bini Dracunculi alati, & quidem Mas & Fœmina, (uterque Quadrupes) occurrunt.

Hæc Quadrupeda propriè dicuntur volatilia, quod re ipsâ volent, id est, huc illuc in aëre liberè vagantur.

Impropriè autem volitare dicuntur ejusmodi Quadrupeda quæ arbores plerumque incolunt, uti sunt, Sciuri vulgares, & alij hujus generis mures, Martes Alpinae, & Scythicae, &c, imò, plura alia, quæ in sylvis, per distantia invicem arborum cacumina salientes, quasi volare videntur.

Inter hæc verò jure suo eminent, *Sciuri sic dicti volantes*, quod quasi velo quodam, vel peculiari instrumento volatorio, præ aliis instructi sint.

Alterum horum invenio in *Catalogo & Descriptione Animalium Levini Vincentij*, 1726, p. 8. *Centur. primâ, Num. 92.* Sub nomine: *Sciurus Virginienſis volans*, sine ulteriori descriptione; Interim Amicus quidam mihi retulit, Dominum * * * * Londinensem, Sciurum Virginienſem habuiſſe, qui per integram Hyemem dormitans, nonniſi admoto calefactorio quodam evigilaret, ubi pedem unum alterumque moverat, uſque dum plenè expergefactus, vitam rursus agere videretur.

Alterum in Grewij Muſeo regalis Societatis, p. 20, sub nomine, *Flying Squirrel*; quem Autor pro animali habet, quod sub nomine Felis volantis designat Scaliger Exerc. 217. §. 9.

Alterum exhibit Lawſonius in hiſtoria Provinciæ Carolinæ Indiæ Occidentalis; Alterum denique *Gefnerus de Quadrup. p. 743.* MUREM PONTICUM AUT SCYTHICUM SIVE SCIURUM VOLANTEM ET LATUM, appellat. Animal ipſe non vidit, ſed tantum Cutem ejus expansam, quam etiam delineandam curavit. Dabo aliquam hujus ultimi Hiſtoriam. Superiori anno 1727, 19 Martij, Sereniſſimo Poloniarum Regi Auguſto II, duo ejuſmodi Sciuri volantes vivi à Capitaneo Miſcenſi, Joanne Ignatio Zawiſza, Varſaviæ fuerant oblati; hos obſervavit, & alterum eorundem mortuum, examini ſubjecit Magnificus à Heucher, Conſiliarius Aulicus, & Archiater Regius, ejuſdemque figuram

corporis expansi, nec non Sceleton delineatum Fig. 2, 3, pro humanitate suâ, mecum communicavit.

Eodem anno, Celsissima Princeps Radzivilia, supremi olim Cancellarij, Magni Ducatûs Lithuaniae Illustrissima Conjux, Hortum & Museum meum præsentia suâ illustrans, ejusmodi animalculum vivum mihi promiserat, quod etiam præteritâ ætate, anni præsentis, 1728, curante Clarissimo Floercke, M. D. & Archiatro Principis, obtinui, vitam adhuc agens.

Quod ad Patriam ejus attinet, ortum suum habet ex sylvis Capitaneatûs Kriczovienfis, Districtus Mohilovienfis, in confiniis Russiæ.

Ajunt autem Mohilovienfes, hæc animalia cavas inhabitare quercus, & Musco Betularum congesto, eidem se involventia, per integram diem dormire, noctu verò lætari, escamque sibi quærere; Hinc fieri, ut

Sequentem in modum capiantur : Ubi Venatores judicant, Sciurum latitare, in quâdam arbore cavâ, retia ad foramina ex arbore exeuntia applicant, & circa radicem arboris, ad truncum cavum ignem excitant; quamprimum ergo fumus in arborem surgit, & cavitates permeat, illicò Sciuri derelinquunt nidum, retibusque irretiti, in terram decidunt, & Venatoribus in prædam cedunt.

Naturalem magnitudinem illius, quem habeo Fig. 1. exprimit. Minor itaque est Sciuro vulgari, major mure Avellano, nostras sylvas frequentantibus (Nostratibus Sciuri volantes Reges familiæ suæ, Koenige der Grauwærcke, audiunt).

Pellis mollissima, pilis canis & ex nigro cinereis eleganter picta.

Ingentes & extantes habet oculos, nigros, aspectu pulcherrimos, aures parvas, dentes acutissimos, quibus exquisitè mordet; Plerique enim maligni sunt: Noster satis mitis est; non appetit morfu digitum, ori ipsius admotum, irritato tamen fidem vix habeat curiosus. Caudam, extra saltum constitutus, gratò aspectu, tergo apprimat, Petauristam verò agens, demittit, hinc inde agitans. Vescitur pane non conditò sale, & summitates Betulæ recentes in deliciis habet, nuces non curat, neque Amygdalas. Lectum ex musco Betularum egregiè disponit, eundemque pedibus, mirâ facilitate attrahens, in ipso quasi sepultus jacet; interdum eodem non nisi sollicitatus, aut siti pressus, exit.

Quod ad ejus instrumentum volatorium attinet: Cutis à lateribus instar veli, ad palmam ferè expandi potest, quod ipsum velum posteriorum pedum genibus adhæret, cum anterioribus verò articulationi ossæ connectitur: Ad extremitatem modò dictæ articulationis cutis quasi plumosa.

Ubi quietus confidet, aut gressus naturales facit, articulatio hæc, cum pedibus parallela distingui nequit; quamprimùm verò saltum facit, movetur illa, & cum anteriori pede angulum quasi rectum format, unde cutis, prout antea dictum, expanditur, quamvis etiam validus paniculus carnosus, integram cutem permeans, saltum fortiter secundet.

Hinc

Hinc colligo, Animalculum hoc proprie non volare, sed loca, quæ sibi proposuit, magis dis sita, facilius, ac reliqua animalia sui generis saltu attingere, saltusque majores perficere posse, quod velis suis mediantibus, diutius in aëre morari valeat.

Cum hoc Sciuro nostro volante conferatur *Vespertilio admirabilis* Bontij, in *Hist. Nat. & Med. Ind. Orient. cap. XVI. apud Pison. p. 68.*

Ipse Pison dubitare voluit, an *Vespertilionum* familiae adscribendus esset, “ Quod felis sit magnitudine, ventre & pectore crasso, & carnosio, “ item, à cervice capitis, ad unguem usque extemitatem, membrana continuata, instar veli expansi penè cooperiatur ; adde, quod velum hoc “ subtus quidem membranaceum, ut in aliis, lingue venulis & fibris obductum appareat, sed “ extus perpetuis mollissimis pilis, cuniculorum “ more, canis & ex nigrocinereis, mirum in modum vestiatur ; tum quoque plicis illis, quibus “ alæ, more aliorum, contrahuntur, & relaxantur, “ destitutus, *longitudinis* autem sit trium ferè pedum, “ ejusdemque latitudinis.”

Quod verò, ut Bontius asserit, hujusmodi *Vespertiliones admirabiles gregatim, anserum sylvestrium instar, volitent*, illud ipsum, mole hujus animalis, ejusque structurâ, rectè perpensa, mihi persuadere non possum, quin potius existimem, ad Sciuros nostros volantes talia animalia proprius accedere, eademque velis suis, prout nostros, eundemque in finem, uti. Nec obstat fides Bontij in eo, *quod*
circa

circa vesperam in aëre, vel arboribus penduli conspiciantur; quin potius inde evinci poterit, illos vespertiliones æque ac Sciuros nostros volantes interdium dormire, circa vesperam verò, latebras suas derelinquere, atque arbores per saltus frequentare, itaque tanquam Petauristas velut pendulos in aëre conspici, saltu autem absoluto, in arboribus pendulos inveniri.

De cætero, nam hi Vespertiliones admirabiles, pari jure, quo Gesnerus *Sciuros* nostros *volantes* dixit, appellari queant, *Feles volantes*, de eo non adeò sollicitus sum.

Coronidis loco notandum, rei veritate niti, quod Gesnerus ex Vincentio Beluacensi & Olao Magno refert; Sciuros, vulgares quando aquam transire cupiunt, lignum levissimum aquæ imponere, eique insidentes, & cauda (*non tamen, ut vult, erecta, sed continuo mota*) velificantes (*nequè flante vento, sed tranquillo æquore*) transvehi; quod fide dignus fidusque meus Emissarius ad Insulas Gothlandiæ plus simplici vice observavit, & cum spoliis in littoribus ibidem collectis redux mirabundus mihi retulit.